

E Evangelio segun Isaías

Pa Calvin Varlack

Un deklarashon di e santidat di Dios

- **“15Wèl, ata loke Dios altu i elevá ta bisa, e Dios ku tin nòmber santu i ta biba pa semper: ‘Mi ta biba den shelu, den santidat inalkansabel, pero tambe huntu ku esnan abatí i di kurason humilde. Mi ta duna nan speransa i kurashi di nobo!’”**
- **(Isaías 57:15)**

E ministerio di e santidat di Dios den kurason di e pekador:

- **1. Abatí:**
- **Kousa un sintimentu profundo di miedu, kulpa, bèrgwensa i impuresa.**
- **2. Humilde:**
- **Sumishon na Dios den arepentimentu sinsero**

- **E proseso di eksponé i kondená òf huzga piká ta konosí komo e Huisio di Dios!**

E Huisio di Dios tin 2 aspekto:

- **1.Revelashon di e Rabia di Dios**
- **(konsientisashon i menasa di kondenashon)**
- **2.Ehekushon di e Rabia di Dios**
- **(eksperensha di e kastigu i Dios den aktualidat i den eternidat)**

(Romanonan 1:18-25)

- **“Pero SEÑOR soberano, Dios Santu, ta mustra kon alsá i santu E ta. E ta hasi loke ta hustu i ta husga ku honestidat.”**
- **(Isaías 5:16)**

E Relashon entre Santidat i Huisio Divino:

- **1.E santidat di Dios ta e stèndert ora di Huisio**
- “Skritura ta bisa tòg: ‘Sea santu, manera Ami ta santu.’”
- (I Pedro 1:16)

2.E santidat di Dios ta e base pa un huisio hustu i perfekto

- “Lo Mi no spar nada ni tin duele di ningun hende, pero kastigá boso pa loke boso a hasi. Boso lo karga konsekuensia di boso práktikanan repugnante. E ora ei boso lo rekonosé ku t'Ami, SEÑOR, ta kastigá boso”
- (Ezekiel 13:9)

3.E santidat di Dios ta ekspresá e pashon total di e stimashon di Dios

- “Pasobra Dios a stima mundu asina tantu ku El a duna su úniko Yu,…”
- (Huan 3:16a)

4.E santidat di Dios ta determiná e ferosidat di e huisio di Dios

- “Pasobra ira di SEÑOR, boso Dios, lo ta mas insoportabel ku candela ...”
- (Deutoronomio 4:24)

Isaías 1 & 5

- E frase 'Ai, di mi!' òf 'Ai, di boso'
- Nifikashon: Un ekspreshon di spantu i spièrtamentu pa konsekuensianan severo na kaminda

E Dios Santu di Israel ta kondená:

- 1.Hende ku mala lenga
- “Mi a bisa: ‘Ai di mi! Mi ta pèrdí! Ami un hende ku lepnan impuru, bibá meimei di otro hende ku lepnan impuru, ku mi mes wowo a mira Rei, SEÑOR soberano!’”
- (Isaías 6:5)

E Dios Santu di Israel ta kondená:

- **2.Hende Materialista: Doño di tereno golos pa mas**
- **“8Ai di boso ku ta kumpra ún kas tras di otro i konopá kunuku na kunuku te ku no ta sobra lugá pa ningun hende mas i boso so ta doño di e pais. 9Mi a tende SEÑOR soberano hura: ‘Nan mansionnan grandi i bunita lo keda bandoná, mayoria di nan lo bira ruina. 10Un hòfi di wendrùif di tres bùnder lo produsí pa yena ún boko di biña so i dies koto di simia lo duna un so di maishi.”**
- **(Isaía 5:8-10)**

E Dios Santu di Israel ta kondená:

- **3.Hende Hedonista: Biba pa plaser so!**
- **“11Ai di esnan ku fo'i mainta trempan ya kaba ta kana buska bibida i ku te lat den anochi ta bebe fuma ketu bai. 12Na nan fiestanan animá pa siter, arpa, flùit i tamburein, nan ta blo bebe burachi numa sin paga tinu na loke SEÑOR ta hasi, nan no ta weta su obranan.”**
- **(Isaías 5:11-12)**

E Dios Santu di Israel ta kondená:

- **4.Hende Blasfemadó: Hasi chèrchi di Dios i su sirbidónan!**
- **“18Ai di esnan ku, manera ku sogá, ta trèk maldat ku nan sirbishi di diosnan falsu i ku ta lastra piká nan tras manera ta hala garoshi; 19esnan ku ta tribi bisa: ‘Laga Dios hasi purá i kaba su trabou pa nos mira; loke Dios Santu di Israel ke hasi**
- **lag'è hasié pa kaba, ya nos sa.’”**
- **(Isaías 5:18-19)**

E Dios Santu di Israel ta kondená:

- **5.Hende Degenerá: Hende ku ta rivùrs moralidat**
- **“20Ai di esnan ku ta yama bon loke ta malu i malu loke ta bon, ku ta tuma pretu hasi blanku i blanku hasi pretu, ku ta laga dushi pasa pa marga i marga pa loke ta dushi.”**
- **(Isaías 5:20)**

E Dios Santu di Israel ta kondená:

- **6.Hende Arogante: Nan ta kere nan mes sabí!**
- **21Ai di esnan ku ta kere nan sabí i ta konsiderá nan mes inteligente.**

E Dios Santu di Israel ta kondená:

- **7.Hende Korupto: Dunamentu di testimonio falsu**
- **“22Ai di esnan ku ta kampeon den bebementu di biña, ku niun hende no por gana den mesklamentu di bibida, 23ku pa plaka ta deklará un hende culpabel inosente**
- **i ta nenga hende hustu nan derecho.”**
- **(Isaías 5:22-23)**

Sentensha di e Hues Hustu: Eksilio dor di Asiria i Babilonia